

# हेटौडा वाश्या

थः मस्तयत्  
मां भासं हे खँ  
ल्हाकादिसँ

हेटौडा लापौ • HETAUDA WEEKLY

वै. १ • ल्याः ३ • ने.सं. १११९ बछलाख ३ • २०५६ वैशाख ५ • (Apr. 18 1999) • म. २

## हेटौडा कपडा उद्योग १२ गते निसैं चालीगु उद्योगया लागि एनआईडीसी ३ करोड तका बीगु जुल

हेटौडा/वंगु प्यला न्ह्यवनिमें बन्द जुयाच्वंगु हेटौडा कपडा उद्योग आः थ्वहे वइगु वैशाख १२ गते निसैं हाकन संचालन जुइगु जुगु दु। उकिया लागि एनआईडीसीपाखें उद्योगया महाप्रबन्धकयात् म्हीग बहनी पौ (पत्र) व्छ्या हयेधुंकुगु दु।

व्यक्त्यात व्छ्याहःगु पतिइ वैशाख १२ गते निसैं उद्योगपूर्ण संचालन जुइगु जुगुलिं वैशाख ८ गते निसैं कारखाना सफाई ज्या न्ह्याकि धकाः इनाप यानाताःगु दु।

हेटौडा कपडा उद्योग संचालन यायेगु लागि उद्योगपाखें एनआईडीसीयाकें १३ करोड ६६ लाख तका दाया माग यानातःगु खः। थुकी मध्ये एनआईडीसी ३ करोड दां बीगु ज्याय नं आलटाल जंक यानाच्वंगु कारण थनया मजदुरत तम्बयाच्वंगु खः। तर म्हीग सुधय यँ च्वंगु एनआईडीसीया बैठक कपडा उद्योगयात ३ करोड दां बीगु जुल

धकाः निर्णय याःगु खः। थ्व ध्यवा थ्वहे वइगु बुधवाः तकया दुने व्छ्याहइगु खँ सीदुगु दु।

एनआईडीसीपाखें व्छ्याहःगु उगु पौ (पत्र) या बोधार्थ थनया थीथी निकायया प्रमुखतयाथय नं

### हेकउलीया बिजोग

२०३२ सालय चिनियाँ सरकार दयेका व्छ्यागु थ्व उद्योगय थौकन्हय १२०० म्ह मजदुरत ज्या यानाच्वंगु दु। थ्व मजदुरतयसं वंगु स्वला न्ह्यवनिमें तलब कायेमखनि। थ्व उद्योगया कुल क्षमता १ करोड १० लाख मिटर दु तर थौकन्हय थुकिा करिब २ करोड तकया कापः मी मफयाः गोदामय लानाच्वंगु दु।

थानेधुंकुगु दु। थ्वहे भवलय उगु पौया बोधार्थ कयादीम्ह मकवानपुर उद्योग वाणिज्य संघया नायः केशव श्रेष्ठयात

मिहः “हेटौडा वाःपौ” पाखें स्वापू तयाः न्यनेकने यानाबलय वयकल एनआईडीसीपाखें उद्योगया महाप्रबन्धकयात उज्जःगु पौ व्छ्याहःगु कारण आः उद्योग संचालन जुइगु आशा प्वकादिल। थ्व ध्यवापाखें बलाक उद्योग संचालन यानायकल धाःसा ल्यं दुगु १० करोड दां नं प्राप्त जुइगु खँ नं भाजु श्रेष्ठ कनादिल। वयकथा नेतृत्वय वंगु लत्या न्ह्यः छगू प्रतिनिधिमण्डल यँ वनाः उगु उद्योग संचालन याकेमाल धकाः थीथी निकायय डेलिगेशन वंगु खः।

थ्वहे भवलय हेटौडा कपडा उद्योगया मजदुरतयसं उगु उद्योग याकन संचालन यायेमाल धइगु माग यासैं म्हीग शुक्रवाः पौछि (एकघण्टा) चक्काजाम यानाब्युगु खः। आः १२ गते निसैं उद्योग चालिगु जुल धाःगुलिं मजदुरतय थ्व हडताल बचाइगु खँ धाःगु दु।

## भीमफेदी वाम नेतात छथाय हे

भीमफेदी/निर्दलीय निर-कुश व्यवस्थायात चीकेत फुक्क राजनीतिक पार्टीत छप्यं जुया संयुक्त जनआन्दोलन यायेमाल, अथेहे आः वयाः जनवाद हयेत फुक्क कम्युनिष्ट पार्टीत छप्यं जुइमाः। थ्व खँ नेकपा मालेया केन्द्रीय दुजः हिरण्यलाल श्रेष्ठ वंगु विहीवाः भीमफेदीइ जूगु आमसभाय धयादीगु खः। वयकल चुनाव नं छगु राजनीतिक संघर्ष हे जूगुलिं च्यागू वाम मकवानपुरय छप्यं

जुयाः क्षेत्र नं. १ व २ लय माले व ३ नं. क्षेत्रय संजमो नेपालया उम्मेदवार पित मंकाः वाम उम्मेदवार दयेकूगु खः धकाः धयादिल।

सभाय संजमो, नेपालया केन्द्रीय प्रतिनिधि भाजु लेखराज रेग्मी दार्चुलाया कालापानी विदेशी फौज च्वनाच्वंगु दु। देया ४७ गू थसय भारतं सीमा अतिक्रमण याःगु दु। अय नं थ्व अतिक्रमणयात कयाः (ल्यं ४ पेजय)

## बुद्धिजीवीपिं तटस्थ च्वनी मखु

हेटौडा/चुनावया ई न्ह्यः थ्यकः वलिसे नेकपा (माले) या उम्मेदवार हिरण्यलाल श्रेष्ठ नं थी थी वडाय छँछा छँछापति मतदातात नाप लायेगु ज्याभवलय व्यस्त जुइगु यानादीगु दु।

निश्चिधइयें मतदाता पिनिगु छँ वनाः सनिलय सांस्कृतिक ज्याभवः व कोणसभा यायेगु ज्या नं जुयाच्वंगु दु। थ्व हे भवलय वंगु शुक्रवार कुहु पदमपोखरी गाविसया ठूलथली छगू कोण सभा जुल। उगु सभाय भाजु हिरण्यलाल श्रेष्ठ मकवानपुरय नेकपा माले न्हियान्हिं थहाँ वनाच्वंगु दु। राष्ट्रघाती न्हियान्हिं श्रामक प्रचार याना चुनावय ल्यूने लानाः च्वंगुलिं मकवानपुरय देशभक्त वाम शक्तिया विजय सुनिश्चित दु धयादिल।

संजमो नेपालया जिल्ला सचिव कमलचन्द्र सुमन प्रत्येक नेपा.मिया (ल्यं ४ पेजय)

## मचाबू वासः नइपिन्त भोट बीमते

हेटौडा/नेपाली कांग्रेसया केन्द्रीय दुजः ओमकार श्रेष्ठ संसदय मिजंम्ह सांसद जुयाः नं मचाबू वासः नइपिं सांसद व मन्त्रीया भण्डा ब्वयेका सरकारया विरुद्ध मतवीपिं सांसदतयत् मत मबित इनाप यानादीगु दु।

तरुण दल मकवानपुरया ग्वसालय न्हूदया लसताय म्हीग जुगु तुच्चा (जलपान) ज्याभवलय थुगु इनाप याःगु खः। वयकल संसदय द्वैध चरित्र क्यनाः व विकासया नामय भ्रष्टाचार याइपिन्सं संसदीय व्यवस्था

बदनाम यानाच्वंगु दु धयादिल।

उगु ज्याभवलय नेकांया मकवानपुरया उम्मेदवारपिं ओमुटेम्पा लामा, रामचन्द्र अर्याल (माइकल), नेकांया जगन्नाथ थपलिया, तरुण दलया इन्द्रबहादुर बानियाँ पिन्सं न्ववानादीगु खः। लिसैं ज्याभवलय नेकपा एगाले व राष्ट्रपा त्वःतावःपिं ७० म्ह कार्यकर्तातयत् टिकट नं भाजु श्रेष्ठ इनादीगु खः। गुके यानाः थन नेकपा एगाले व राष्ट्रपाया संगठनय मुखाय ब्वःगु दु।

## खवपय एमाले व नेमकिपा ल्वापु

खवप/चुनाव प्रचारया भवलय म्हीग थन नेमकिपा व नेकपा एगालेया दथुइ वामलक ल्वापु जुगु दु। गगु ल्वापुइ लानाः नेमकिपाया खवप नपा ४ या वडाध्यक्ष चन्द्रबहादुर उलक धापाः जुगु खः। खवप दतात्रयय पोष्टर तिकेगु खँय कचव जुइवं भाजु उलक कचवं जूगु थसय थ्यकः वंगु खः। लिपा कचवं तच्चाया वनेवं दागा दगुइ लानाः धापाः जुगु खः। प्रहरिं उगु घटनायात कयाः स्वम्ह मनुतयत् ज्ञानातःगु दु।

## मिसात नं चुनाव प्रचारय

हेटौडा/थनया वडा नं. ४ या कराय वंगु मंगलवार मिसातयगु दथुइ जूगु छगू भेलाय २ नं. क्षेत्रया उम्मेदवार हिरण्यलाल श्रेष्ठ नेकपा (माले) मिसातयत जुयाः च्वंगु शोषण व लैंगिक विभेदयात अन्त्य याना न्ह्यायेमाः मिसातयत फुक्क कथंया समानता व समान अवसर बियाः मिसापिनि श्रम, सीप व शक्तियात देशया सामाजिक, आर्थिक विकासया नितिं छयलेमाः थइगु विचाः दु

धयादिल।

मालेया जिल्ला सचिव सुर्य शर्मा महिला सशक्तिकरणया पक्षय माले दना च्वंगु दु धयादिल। कर्ता त्वालय मालेया चुनाव प्रचार यायेत देवकी पुलामि, दुर्गा ढकाल, माण्डवी शाक्य, राधिका बस्नेत, शारदालक्ष्मी लामिछाने, लक्ष्मी श्रेष्ठ, इन्दिरा श्रेष्ठ, इन्दुमाया लामा, लक्ष्मी पाठक, सुमिता शाक्य व संगीता लामा च्वनादीगु छगु प्रचार प्रसार कमिटी नं दयेकूगु खः।

## तःजिक साइकल च्याली क्वचाल

हेटौडा/पञ्जातान्त्रिक राष्ट्रिय युवा संघया मकवानपुर जिल्ला कमिटीया ग्वसालय वंगु बुधवार न्हूदया भिन्तुना देखासैं छगू तःजिक साइकल च्याली जुल। हेटौडा नगरया लिक्क लागु थी थी गाविस न्यंक जूगु उगु च्याली ४२ किमि ताःहाकः चाहूगु खः। नेकपा मालेया उम्मेद-वारपिं त्याकेत जुगु च्यालीया उद्घाटन थनया शहीद चुकय मालेया केन्द्रीय दुजः २ नं. क्षेत्रया उम्मेदवार हिरण्यलाल श्रेष्ठ यानादीगु खः।

साइकल च्याली क्वचाये

धुंका भाजु श्रेष्ठ च्यालीइ ब्वति कयादीपिं सकलमित व थाय्थासय लः त्वंका लसकुस यापिं फुक्कसित सुभाय वियादीगु खः।

रामबाबु थापाया संयोजकत्वय जूगु उगु साइकल च्याली संजमो, नेपालया जिल्ला सचिव कमलचन्द्र सुमन व मेमेपिं वाम पुचःया ल्यायम्हतयसं नं ब्वतिकयाः मकवानपुर या मंकाः वाम उम्मेदवारपिं सोमवहादुर लामा, हिरण्यलाल श्रेष्ठ व बल राम झलयात त्याकेत आन्धान याःगु खः।

## ‘हेटौडा वाःपौ’यात थीथी खलःया भिन्तुना

हेटौडा/स्वनिगः पिने दकलय न्हापां पिहांवःगु “हेटौडा वाःपौ” यात देया थी थी खलः पुचः पाखें भिन्तुना व्छ्या हःगु दु। थ्व भवलय देया दकलय तःधंगु नेवाः तयगु संस्था “नेवाः दे दबू” या मू छयाञ्जे (महासचिव) नरेश वीर शाक्य “हेटौडा वाःपौ” या संस्थागत रूप प्रकाशन जूगुलिं लसता प्वकादीगु दु। उगु भिन्तुना पतिइ भाषा व जातिया गरिमा ब्वलंकेगु भवलय स्वनिगलं पिनया नेवाःत नं थुकथं न्हयचिलाः पिकाःगु पौया सः “भी नेवाः” जुइमाः व नेवाः तयगु दगुइ चेतना ब्वलंकेगु ज्या थुगु पतिं याइ धकाः आशा यानादीगु दु।

अथेहे नेपाल भाषा मंकाः खलः या नायः पब-रत्न तुलाधर जुं नं छगू भिन्तुना पौ व्छ्या हयादीगु दु। उगु भिन्तुना पतिइ स्वनिगलं पिने न्हापांखुसी पिदंगु थुगु

वाःपौ नेवाःतयगु नितिं गर्वया खँ खः धकाः न्हयथना तःगु दु उगु पतिइ नेपाः थी थी जाति वा भाय्या राज्य जूसां भीगु भाय्या नितिं राज्य छुं हे मस्वःगु व भी स्वयम् नं यक्व खँय ल्यूने लाना बनाच्वंगु इलय पिदंगु थुगु वाःपौ पाखें थःगु कर्तव्य लःमंके मज्यू धकाः न्हयनातःगु दु।

नेवाः लिपि स्थानीय संस्था नेपाल लिपि गुथिया नायः शरद कसाः जुं नं छगू भिन्तुना व्छ्या हयादीगु दु। उगु भिन्तुना पतिइ थुगु वाःपौ नेपाल भाषा आन्दोलनया नितिं धिसिलाःगु पलाः जुइगु आशा याःगु दु। लिसैं थ्व हे पौ पाखें कला, संस्कृति लिपिया नं संरक्षण जुइगु पाखे स्वनिगलं पिनेयापिं नेवाःतयगु नुगः स्वसायेके फइ धकाः आशा याःगु दु।



# दृष्टीका बाश्या

गुह्येभ्यो मेपितं मृत्युं व विद्वान् खः, गुह्येभ्यो भूतं मृत्युं व जानी खः ।

□ नाओत्से

६ १ ० ३

## संज्ञाद्वयार्थ

### जाति, भाषा, धर्म व संस्कृति

नेपाः बहुजातीय, बहुभाषिक, बहुधार्मिक व बहुराष्ट्रिय राज्य खः । उकिं यन धीयी संस्कृति दु । यवं थवय् कालखिल यानाः बुलुहुं मंकाः नेपाः संस्कृति नं ब्वलना वयाचवंगु दु । यन फुक्क जाति, भाषा, धर्म व संस्कृतियात समान अधिकार दयेमाः । यवं यवय् समानता व सम्मानया आधारय् बहुजातिय प्रजातन्त्र हे राष्ट्रिय एकता स्वातन्त्र्य आधार वइ । नेपाःयात फुक्क जातिया मंकाः कय दयेके हे माः ।

समाजय् पूर्ण धार्मिक स्वतन्त्रता दयेकाः, फुक्क कथंया एकाधिकार व विशेषाधिकार न्हंका छयेमाः । वास्तव्य् राज्य धर्मनिरपेक्ष जुइमाः । नेपाः दे हिन्दूया जक मखु, बौद्ध, ईशान्, शिख, इस्लाम व मेमेगु फुक्क धर्मावलम्बीतय् मंकाः दे नेपाः खः । ध्यबाया सौभय व दवाय धर्म परिवर्तन याके वी मज्ज । मनं खके, विश्वासकय धर्म ज्वने वा त्यःते ज्यु । उकिं धर्मागत व्यक्तिया नीजि आस्थाया कय हक वीमाः ।

जाति जनजाति, भाषा, धर्म व संस्कृतिया छापय् व्याख्या पक्षपात पूर्ण प्रावधानयात संशोधन यानाः सुयात एकाधिकार वा विशेषाधिकार मज्जुसे फुक्कसित समान अधिकार, अवसर व सुविधा वइगु कानुनी व्यवस्था यायेमाः । देशया नीति निर्माण यायेगु विकल्पय् धीयी जनजाति, उत्पीडित व उपेक्षित व दलित जातितय् प्रतिनिधित्व याकेत राष्ट्रिय सभायात जातीय सभाकथं स्वतन्त्रित यायेमाः । न्युने लानाचवंगि जाति व जनजातिय सामाजिक, आर्थिक व प्राज्ञिक छल्य विकासया निम्ति जनजाति व सामुदायिक विकास मन्त्रालय नीत्यनेमाः ।

राष्ट्रयात जाति, भाषा, धर्म वा क्षेत्रीयताया नाम छडित यायेगु, साम्प्रदायिक विद्वेष नाकेगु वा प्रोत्साहित यायेगु मत्तिया विरुद्ध राष्ट्रिय एकता, साम्प्रदायिक सद्भाव व समाजसुखता वः बीमाः । देशया स्वतन्त्रता, सार्वभौमिकता व क्षेत्रीय अखण्डताया सुदृढीकरण, संरक्षण जक राज्यया भाषा, धीयी जातिय व फुड आत्मिय एकता वइ गुगु राष्ट्रियताया छगू महत्वपूर्ण अवधारणा खः । देशयात दिखण्डन यायेगु खँ छता त्वःता जाति उन्नातिपित स्वामीय स्वशासन समाजता व आत्मनिर्णयया फुक्क हक बीमाः ।

## संज्ञाद्वयार्थ पो

### 'हेटौडा बा.पौ' सिहावः गुलिं लसता

सम्पादकज्यु, हेटौडापाखें न नेपालभाषाया समाचार अखबारया रूपय् 'हेटौडा बा.पौ' सिहावः गुलिं लसता वन । थुकि नेपालभाषाया पत्रकारिता, भाषा विकासया लागि योगदान बी धकाः आशा याना । हेटौडा पो सिहा वंगु छःसा जिपिं गैर छपित नं उकिं लय ताः वयेकाय्गु दु । यव बापौ छैःनहय् यैय सकाषनं बजारय् धाःसा न्यायेगु बज्जि । यैय जक न्यायेगु दु । यसय् व खपय् खनेमदु । सम्पादक भाजुपिसं यैय तज्ज् यैय रलय, खपय् नं छकेत याकु चायेसाःगु छैः सः । यव सिहावः छैः जुन धाःसा प्रकाशक भागकी नं बज्जिगु छ । सिहावः यैय छपित सिहावः बा.पौलिसे पून व्यवहार यायेमाःसा यैय नु अपुक गय् यानाः यायेगु छः, सिहावःसा ज्युगु छ ।

□ रत्नमान शर्मा, धन २०५६-१६

# मकवानपुरया विकासपाखे जिमिगु दृष्टिकोण

राष्ट्र जनताया न्हयःने वंगु समस्यायात समाधान यानाः जनताया आर्थिक समृद्धि व देशया समग्र विकास यानाः स्वाधीन राष्ट्रिय अर्थतन्त्र निर्माण यायेगु जिमिगु प्रतिबद्धता खः । उकिया निम्ति राष्ट्र व जनता खास यानाः जनजीवी जनता, किसान, राष्ट्रिय पूँजीपति व स्वदेशी व्यापारी, कालिगढिं जावाः देशयात २१ औं शताब्दीपाखे आधुनिकीकरण फयेत जिमिसं कुतः याये । यव राष्ट्रिय विकासया धासा दुने मकवानपुरयात फर्याफरव विकास यानाः यनया जनताया जीवनस्तर वकायेत जिमिसं म्माः कुतः यायेगु जुइ ।

नेपालया राज-धानी स्वरुप गृह प्रवेश मार्गया कथं फाइदाजनक स्थिति दुगु मकवानपुर-नारायणगढ-मुम्बिन सडक निर्माणपछिने वनेका सिमुली - बर्दिबास सडकनिसे प्रतिस्पर्धीय न्हयःने जने-मासीबलय् थःगु किस्सा जूने मनयेमा धकाः इखन व समय आफसं बचत जुइगु अत्यन्त चौहाकःगु राष्ट्रिय महत्वया यै-हेटौडा सुरुड मार्ग दयेके पाखें जि संसदया न्हापांगु अधिवेशनय् प्रस्ताव तयागु खः । चौतक उकिया सम्भाव्यता अध्ययन पूर्वकाः सुरुड मार्ग दयेकेत सरकारं देश दुने व पिनेयापित आकान नं याये धुंका । न्हयगुति पार्टीतसें थ्व सुरुड मार्ग दयेकेत अभिरुचि क्यंगु दु । जिमिसं सरकारय् वनेखने साथ थ्व सुरुड मार्गयात उच्च प्राथमिकता बियाः ज्या छयले ।

जिमिसं मकवानपुर उद्योग बाणिज्य संघ प्रस्ताव याःगु मकवानपुर यात आयोगिक जिल्ला दयेकेगु खँयात

● हिरण्यलाल श्रेष्ठ  
समर्थन यासें संसदय् खँ न्हययनागु दु । योजना आयोगयात माग च्याबियागु दु । जिल्ला औद्योगिक बोर्ड दयेकाः फर्याफरव सुविधा बियाः उद्योगत शहरय्, घरेलु उद्योग गांगामय् चायेकेमाः । 'कृषिजन्य, वन्य व खनीज उद्योगपाखे विशेष वः बीमाः ।

हेटौडायात फुक्क कथंया यातायातया केन्द्र दयेकेत हेटौडा - नेकपा (माले) मकवानपुरपाखें न्हयवःगु भिगू माग  
१) यै - हेटौडा सुरुड मार्ग चायेकेमाः ।  
२) मकवानपुरयात औद्योगिक जिल्ला घोषणा या ।  
३) रक्सौल - हेटौडा रेलमार्ग सञ्चालनया ।  
४) कुलेखानी - स्वंगूगु जलविद्युत परियोजना छयलेमाः ।  
५) कान्तिराजपथ दयेकेमाः ।  
६) चिसापानी, मकवानपुरगढी व दामन क्षेत्रयात पर्वतीय पर्यटन क्षेत्र विकास या ।  
७) मकवानपुरया फाँट व मेमेगु संभव फुक्क गामय् विशेष व विस्तृत सिंचाई परियोजना छयलेमाः ।  
८) पालुङ - डाँडाखर्क - खैराड-मनहरी सडक दयेकेमाः ।  
९) रोजगारया विशेष कार्यक्रम लागाना फुक्क वडा फाँति १० स्टेसित रोजगार बीगु तालीम व मेमेगु ज्याया अवसर बीमाः ।  
१०) भीमफेदी - कुलेखानी सडक याकनं पुर्वकेमाः सर्वाङ्गीण विकासया निम्ति फुक्क जनता छयनं जू ।

१६ चैत्र २०५४ विकासया पंतीपिं हेटौडा नेकपा (माले) जिल्ला कमिटी  
रक्सौल रेलमार्ग दयेकेमाः । न्हापां जनता पार्टीया सरकार दुबलय् थ्व रेलमार्ग दयेका बीगु प्रस्ताव भारतपाखें वःगु खः । ब्रोड गेज रेल्वे रक्सौलतक हइबलय् उकियात हेटौडा तक हयेमाः, अले विद्युतीय पूर्वपश्चिम रेल मार्गया केन्द्र हेटौडा यायेत आर्वनिसं भूमिका भित्तेमाः । रेल्वेयाते आधुनिक व व्यवस्थित यायेमाः ।  
कू, कम्पन व सःया प्रदूषण व क्षति पनेगु खःसा डिजेल प्लान्ट मखु, न्हू न्हूगु जलविद्युत परियोजना दयेके-

माः । कुलेखानी-स्वंगूगु परियोजना सम्भाव्यता अध्ययन जुइधुंका, जापानं स्वाहाति यायेत तन्पर द । थुकियात नत्काल छयले मा ।

नेपाःया शाही मेना न्हापाखुसी दयेकगु कान्ति राजपथ, न्हूकथं दयेकाः पुर्वकेमाः । बैकल्पिक राजमार्गत विकासया दृष्टि दयेकायकेमाः । चिसापानीगढी, मकवानपुरगढी व दामन क्षेत्रय् पर्वतीय पर्यटन क्षेत्र विकास यायेमाः । जि योजना

आयोगय् माग याये धुंकाः नि च्यागूगु पञ्च वर्षीय योजनाय् उगु धासय् पर्वतीय पर्यटन विकास याये धकाः न्हयवःगु खः, तर ज्या जुयाचवंगु मदु । भीमफेदी-कुलेखानी सडक पुर्वने धुंकाः नि अन कुन्नाल, अन पालुङ - भैसे जुयाः भीमफेदी स्वाङ्गु चक्रपथ तयार जुइ । थुकिया दुने मैत्री बगैचा, म्युजियम, व मेमेगु अप्पात पर्यटकत सानेगु ज्या तना यकेमाः ।

कृषि प्रधान देशया थुगु जिल्लाया मकवानपुरया फाँट व संभव फुक्कथासय् सिंचाईया व्यवस्था यानाः कृषि उत्पादन वढे यायेमाः । पालुङ-डाँडाखर्क-खैराड-मनहरी सडक ग्रामिण कृषि सडक कथं दयेकेमाः । रोजगारया विशेष कार्यक्रम छयलाः फुक्क गाविसया फुक्क वडा दैयर्दसं फिर्सेमित सजगाः बीगु तालिम व ज्या बीडाः । भीमफेदी कुलेखानी सडक याकनं पुर्वकेमाः । चितलाड - यानकोट सडक नं पुर्वकेमाः । बलामाडी व हौडीखोला-या धायासय् राप्ती खुशुइ हस्त्यु ता दयेकेमाः । जिपिं मकवानपुरय् विकासया पक्षय् ज्या यायेत कटिबद्ध जुयागु दु ।

## मांयात पुज्यानाः न्यायेकीगु पर्व - मांया ख्वाः स्वये

नेपाःतय् दशुइ थःगु महत्व म्हा पूजा बलेया म्हा पूजा यानाः यच्चुक न्यनी । दाजु किजाया महत्व किजापुजा कुन्हु न्यनीसा मां अबुया महत्व मांया ख्वाः स्वयेगु व अबुया ख्वाः स्वयेगु पर्व कथं हना वयाचवंगु दु । थ्व भवलय् वंगु शुक्रवाः भीसं मांया ख्वाः स्वयेगु पर्व हना स्वचायेका ।

नेपाल संवत् कथं चिल्लागा औशी कुन्हु न्यायेकीगु थुगु पर्व नेपाः न्यकं धीधी जात जातितय्सं हनेगु याःसां नेपाःतय्सं भिगु नखः चखः  
नेपाःतय् दशुइ थःगु महत्व म्हा पूजा बलेया म्हा पूजा यानाः यच्चुक न्यनी । दाजु किजाया महत्व किजापुजा कुन्हु न्यनीसा मां अबुया महत्व मांया ख्वाः स्वयेगु व अबुया ख्वाः स्वयेगु पर्व कथं हना वयाचवंगु दु । थ्व भवलय् वंगु शुक्रवाः भीसं मांया ख्वाः स्वयेगु पर्व हना स्वचायेका ।

मांयात पुज्याः थें पुज्याइगु थ्व पर्वय् मांया ताः आयुया निम्ति छयें सगंया निसं धौ सगं, कापः सगं बी । मां मरुपिं म्हायाय वा कायपिसं धाःसा थ्व कुन्हु सुथ त्यलं दनाः म्वः ल्ह्या ब्रम्ह वाज्या वा गुज्या धाय वनाः सिदा ब्यूवनेगु याइ । सिदाय मरिचरि, वजि धौ, हलु, चि तयाः बी । गनं गनं गायात नकेंगु नं याः । थ्वकुन्हु हे मां मरुपिं कायः म्हायाय पिं थक्काथं (थानकोट) चय ताःगु

मातातिड म्वः ल्हू वनेगु चलन दु । थ्व तिथय् मांया प्रत्यक्ष दर्शन ब्यूवइ धाइगु विश्वास दु । मेमेथाय् देशय् बुराबुरि जुल कि सुनां नं बान्ना याइमखु । काय म्हायायिं तक हे न्हयःने दइमखु । तर भी नेपाःतय् बुराबुरिपित नं उतिकं सम्मान यायेमाः धकाः दय्दसं थये मांया ख्वाः स्वयेगु वा बीया ख्वाः स्वयेगु चलन दयेकातःय् खनेदु । थुकिं थः मां अबुपिं प्रति सम्मान यायेगु वानी उभि मस्तयत्त स्यानाबी ।

□ रास नखः



# नेवाः भाय् व नेवाः पह त्वःते मखु

भाजु लक्ष्मीलाल श्रेष्ठ, नेवाः पुचः चौकीत्वाःया कजि खः । वय्कः लिसे हेतौडा वाःपौ पाखें जूगु खँहाबल्हा थन न्हयब्यागु दु । - सं.

□ नेवाः पुचः चौकी त्वालप छाप स्वनादिपा ?

● भी नेवाःत धाथें हे नेवाः जुइत, थःगु भाय् व संस्कृति म्वाका तयेत नेवाः पुचः चौकी त्वालप स्वनागु खः ।

□ नेवाः पुचलं छु छु ज्या यांनारी त्यना ?

● आपद विपदय लापि नेवाःतयूत ग्वाहालि यायेगु, भाय् छयलेगु, सांस्कृतिक व साहित्यिक ज्याभवः न्ह्याकेगु कुतः यानाचवनागु दु ।

□ देया थीथी थास हेतौडाय् च्व वःपि नेवाःतयूत गुकथं छप्ये फइ ?

● थाय् थास हेतौडाय् च्ववःपित हेतौडाभि धकाः गौरव

च्वन्हाकेगु जिमिगु मू उद्देश्य खः । हेतौडाय् बूपि ल्याय्महत्तसें थःत थनया नेवाः धायेगु याये धुकूगु दु । हेतौडाया परिवेशय् थनया नेवाःतयू दुःख सुखया साहित्य, संगीत, कला सिर्जना यायेगु प्रत्येक शनिवाः कुन्हु नेवाःतयूत त्वालप भुनेगु ज्या जिमिसं यानाचवनागु दु ।

□ छिगु त्वालप गनया नेवाःत गुलि दु ? थःथवपु सतिकेत छु छु यानारी ?

● चौकी त्वालप टिष्टुड, दाज्वा, यें, यल व मेमेगु थास बाय् हिलाः थन च्ववपि नेवाःत दु । गुहगुहमे-सियां नेवाः गुथि नं दु । गुलिखे नेवाःतसें मां भाय् त्वःतेगु, नखः चखः त्वःतेगु याःगुलिं थये याये मज्जु धकाः जिमिसं नेवाः पुचः दयेकाः नेवाः सांस्कृतिक पुन-

## ● लक्ष्मीलाल श्रेष्ठ

जागरण हयेत कुतः यानाचवनागु दु ।

□ हेतौडाया मेमेगु त्वाःयापि नेवाःतलिसे व छिकपिनिगु गुकथं स्वापू दु ?

● नेवाः पुचः चौकी त्वाः थें, फुक्क त्वालपय् नेवाः पुचः दयेकेमाः । अले उगु पुचःया प्रति-निधिपिं मुनाः हेतौडाया नेवाः छथासं तयाः पुचः दयेकेत जिमिसं कुतः यानाचवनागु दु ।

□ नेवाः जुयाचवनेत छु छु यानारी त्यना ?

● दकसिबें न्हापां मांभाय् मत्वःतेगु, त्वाः भव्य न्यायेकेगु, नेवाः पह मत्वःतेगु भीगु बाजं थायेगु, नखःचखः हनेगु यायेत्यनागु दु । उखुन्हु नेवाः आर्केष्ट्रा हेतौडाय् थ्यंबलप जिमिगु पुचलं छें सगं बियाः, धाखा दयेकाः छेँवापतिं घः पिकयाः लसकुस याना । स्वनिगः व पिनेया नेवाःतयू दथुइ शुज्वःगु सांस्कृतिक कालविल दैय्दसं जुइमाः ।

## जिं म्हस्यूमह हिरण्य - ३

(राष्ट्रिय स्तरया थीथी व्यक्तित्वपिसं हिरण्यलाल श्रेष्ठयात गुकथं स्वायचन । मकवानपुर २ या उम्मेदवार जूगुलिं मतदातापिसं वय्कःयात म्हसीकाः थःगु निर्णय बीमाः । उकिं वय्कःयात म्हसीकेत थं जिं म्हस्यूमह हिरण्य धइगु स्तम्भ न्हयब्यागु दु - सं.)

बहुदलीय व्यवस्थाया दुने मन्त्रीमण्डल त्वाःवः हिलेगु ज्या जुल, तर छत्रः जक नं मन्त्री जूपिन धलखय हिरण्यलाल श्रेष्ठया नां च्वने मखं । थुकिं हे वय्कः सामाज्यवाद व विस्तारवाद विरोधी छम्ह यच्चुपिचुम्ह राष्ट्रवादी खः धइगु कथं ।

- दुर्गालाल श्रेष्ठ,  
नांजाःम्ह कवि २५/१२/२०५५

हिरण्यलाल श्रेष्ठजी छम्ह देशभक्त व नेपालय् प्रजातान्त्रिक व वाम आन्दोलनया सशक्त व्यक्तित्व खः । वय्कलं वंगु इलय् संसदय् च्वनाः राष्ट्रिय हित व जनहितया नितिं म्हितादीगु भूमिकां फुक्क नेपालीतयू नितिं गौरवान्वित जुइमाः । वय्कःया नितिं भी फुक्कस्यां भिंतुनेमाः ।

- विश्वकान्त सैनाली,  
वरिष्ठ अधिवक्ता २५/१२/२०५५

'छ मेहनती, चिन्तनशील जू । देशया अवस्था वांमलाः उकिं छल्ल मानसिक पीडा जूगु दइ । चिन्ता मकासें

थःगु लेंपुइ न्ह्याःहुँ । छथेंजाःम्ह देशभक्त नेपाः मांयात आवश्यक दु ।'

- डा. विन्ली रमण रेग्मी,  
वरिष्ठ नेता व विद्वान इतिहासकार, २०५५/११/१९ या पौ

'बौद्धिक चिन्तन व मौलिक अवधारणा प्वकेफुपिं मध्ये हिरण्यलाल श्रेष्ठ सुपरिचित खः ।'

- श्रीराम सिंह वस्नेत,  
पत्रकार, ४ मई १९९६ या सगरमाथा, लेख

भाजु हिरण्यलाल श्रेष्ठ जिगु तसकं सतिम्ह वामपंथी पासा मध्ये छम्ह खः । वय्कः बौद्धिक क्षेत्रय् नेपाःया वैदेशिक सम्बन्ध व परराष्ट्र नीति विषयय् ज्ञाता व वामपंथी बुद्धिजीवी कथं परिचित दु । वय्कः वंगु राष्ट्रिय व प्रजातान्त्रिक आन्दोलनय् थःत छम्ह सच्चा देशभक्त कुशल राजनीतिज्ञ व जनजाति आन्दोलन समर्थक व्यक्तित्वकथं स्थापित जूगु दु । वय्कःया तामाड जनजातिया भाषा व्यक्तित्वकथं स्थापित जूगु दु । वय्कःया तामाड जनजातिया भाषा धर्म संस्कृति व विकास प्रतिया चिन्तन व योगदान सराहनीय जू । जिं वय्कःया उत्तरोत्तर प्रगतिया लागिं भिंतुने ।

- परशुराम तामाड  
केन्द्रीय अध्यक्ष, नेपाल तामाड घेदुड व महाराजिब नेपाल जनजाति महासंघ

## थगु भाय् सयेके आप्णो भाषा सिकौ

- नरेशवीर शाक्य -

### सयेके अःपुगु नेवाः भाय्

थःगु भांभाय् नेवाःभाय् सयेके सीकेया नितिं स्वनिगलं पिने पिंदनीगु हेतौडा वाःपौ सुथां लाक्क न्ह्यायेमाः धकाः मन्तुना ।

(आफ्नो मातृभाषा नेपालभाषा बुझ्न र सिक्न काठमाण्डौ उपत्यका बाहिरवाट प्रकाशित हेतौडा साप्ताहिक सशक्तकासाथ अगाडी बढ्न सक्नु भन्ने आशा व्यक्त गर्दछु ।)

स्वनिगलं पिने च्वपि आपालं नेवाःतयूसं थःगु मां-भाय् स्यनेगु व सयेकेगु मन्तुनाः नं स्यनेगु माध्यमत मदगुलिं थं ज्या न्ह्याके मफया च्वंगु खः । आः थं वाःपौया माध्यमं सामान्य रुपं न्वावायेगु स्यनेगु कुतः जुइ ।

(उपत्यका बाहिरका धेरै नेवारहरुले आफ्नो मातृभाषा सिक्ने र जान्ने इच्छा राख्दै पनि सिकाउने माध्यम नभएको कारणले यो काम अघि बढाउन नसकि रहेको थियो । अब यस साप्ताहिक माफत सामान्य बोलीचालिका कुराहरु सिकाउने प्रयास गरिनेछ ।)

नेवाःभाय् ल्हायेगु त्वःफिका च्वपिनि दथुइ थं भाय् न्वावायेगु व थुइके तसकं थाकु धयागु छगू भ्रम दु । वास्तवय् अथे मखु । थं छगू तसकं हे सयेके अःपुगु, चिचिधंगु खंग्वः दुगु व न्हस्वमयी (चीहाकलं न्वावायेगु) भाषा खः । थुकियात याउँक हे न्वावायेगु अले थुइका कायफु ।

(नेपालभाषा बोल्न छोडिसकेका वा नबोल्नेहरु बीच यो बोल्न र बुझ्न गाह्रो भाषा हो भन्ने एउटा भ्रम रहेको पाइन्छ । वास्तवमा यो सत्य होइन । यो भाषा अति नै सरल छ । सा-साना शब्दहरु का साथ यो भाषा न्हस्वमयी भाषा हो । यसलाइ सजिलै बुझ्न र बोल्न सकिन्छ ।)

भीगु भाषाय् थुज्वःगु खंग्वःत दु गगु न्वावाये मात्रं हे उम्ह मनु नेवाः धयागु म्हसी । थं भीगु भाय्या विशेषता खःसा थुज्वःगु पहः, त्यंका तयेगु भीगु दापित्व खः । थौ थुज्वःगु हे छुं खंग्वःत जक छयले । गथे कि - लसकुस - सुभाय् - भिंतुना - ज्वजलपा

हाम्रो भाषामा यस्ता थुप्रै शब्दहरु छन् जसको उदाहरणले मात्रै पनि उक्त व्यक्ति नेवार हो भन्ने थाहा हुन्छ । यो हाम्रो भाषाको विशेषता हो भने यस्तो विशेषतालाई संरक्षण गर्न हाम्रो दायित्व हो । आज यस्तै केही शब्दहरु सिकौं जस्तो -

लसकुस - स्वागतम  
सुभाय् - धन्यवाद  
भिंतुना - शुभकामना  
ज्वजलपा - नमस्कार ।

हेतौडाया नेवाःतयू दथुइ जागरण हयेत पिदंगु

हेतौडाया न्हापांगु नेपालभाषाया पौ

दस्रोडा बाश्यो

गब्लें मदिवक पिहां वयाचवने फयेमा ।

गुपेन्द्र तामाङ

चौघडा, मकवानपुर

हेतौडाया नेवाःतयू दथुइ जागरण हयेत पिदंगु

हेतौडाया न्हापांगु नेपालभाषाया पौ

दस्रोडा बाश्यो

गब्लें मदिवक पिहां वयाचवने फयेमा ।

न्यू गोर्खाली निमाणि सेवा

भैसे-१, मकवानपुर

हेतौडां दकलय् न्हापांखुसी पिदंगु

दस्रोडा बाश्यो

यात सदां धिसिलाक न्ह्यानाचवने फयेमा धकाः

दुनुगलंनिसें भिंतुना

डा. एच.आर.सि

हेतौडा

नू दै  
२०५६ या  
भिंतुना  
खाद्य उद्योग लि.  
हे.ओ.के

हेतौडां पिहांवःगु नेपालभाषाया न्हापांगु पौ

दस्रोडा बाश्यो

सकलें नेवाःतयू मतिना कयाः धिसिलाक न्ह्याये फयेमा धकाः  
दुनुगलंनिसें भिंतुना ।

गीत शंकर श्रेष्ठ

टप गेयर ट्रान्सापोर्ट कं., हेतौडा

हेतौडां पिहांवःगु नेपालभाषाया न्हापांगु पौ

सकलें नेवाःतयू मतिना कयाः धिसिलाक न्ह्याये फयेमा धकाः

दुनुगलंनिसें भिंतुना ।

नारायणी फिड ईण्डस्ट्रिज  
हेतौडा



### भीमफेदी...

तुलुतुल स्वयाः च्वनिपिं राष्ट्रघाती कांग्रेस-एमाले-सद्भावना सरकारया विकल्प देशभक्त वामपंथीत हे खः धयादिल ।

नेपाल बुद्धिजीवी संगठनया केन्द्रीय दुजः रामनारायण विडारी महाकाली तन्धीया विपक्षय मतदान याःम्ह राष्ट्रवादी नेता हिरण्यलाल श्रेष्ठयात चुनावय समर्थन यायेदुग धइगु गौरबया खँ खः धयादिल ।

सभाय संजमो, नेपालया ३ नं. क्षेत्रया साभा वाम उम्मेदवार बल राम बल माले, मशाल, संयुक्त दक्क पार्टी थत साभा वाम उम्मेदवार दयेकुलिं लसता वः धयादिसँ एमाले राप्रपा व नेकाया पोष्टर तिकाः वामतय पोष्टर चांचां प्वलेगु यानाच्वंगु खँ कनादिल ।

सजमो, नेपालया मकवानपुर जिल्ला सचिव कमलचन्द्र सुमन, नेकपा (माले) या जिल्ला सचिव सुर्य शर्मा, राजमोया प्रतिनिधि हरिकृष्ण कार्की, रामजी आचार्य नं वाम एकताया महत्वयात कयाः न्ववानादीगु उगु सभा नेकपा (माले) या चन्देश्वर श्रेष्ठया सभापतित्वय जूगु खः ।

### बुद्धिजीवीपिं...

छयनय च्यावदः त्यासा (छण) थ्यने धुकल, तर जनताया निति गब्ले विकास जूगु मदु धकाः कनादिल ।

नेपाल राष्ट्रिय शिक्षक संगठनया जिल्ला अध्यक्ष ऋषिराम पोखरेल चुनाव नं छगु राजनीतिक आन्दोलन जूगुलिं बुद्धिजीविपिं तटस्थ च्वनी मखु, जिमिस देशभक्त उम्मेदवार पिं समर्थन यायेगु जुइ धयादिल ।

कोणसभाय मालेया जिल्ला सचिव विष्णु लामिछाने, पदमपोखरी गाविसया उपाध्यक्ष सोमलाल गोले व नवराज वलामी मकवानपुरया जनता राष्ट्रवादी जूगुलिं मालेया उम्मेदवारत अःपुकत्याइ धकाः न्ववानादीगु खः ।

अथेहे मंगलवाः कुन्हु पदमपोखरीया हे सुकुम्वासी त्वाल्य नं छगु सभा जूगु खः । गुके भाजु हिरण्यलाल श्रेष्ठ संजमोया कमलचन्द्र सुमन वाम बुद्धिजीवी कौशल पाण्डेपिन्सं नं न्ववानादीगु खः ।

ध्व हे भवलय वंगु शुक्रवाः कुन्हु आमभञ्ज्याङ्गय नं छगु सभा जूगु खः । गुगु सभाय नेकपा मालेया हे उम्मेदवार सोमवहादुर लामा न्ववानादीगु खः ।

पदमपोखरीया न वडा भोर्लेय विहिवाः व बुधवार कुन्हु नं कोणसभा जूगु खः ।

कोणसभाय नेपाल बुद्धिजीवी परिषद मकवानपुर जिल्लाया नायः देवप्रसाद श्रेष्ठजुं राष्ट्रघाती व जनघातीतयत बुकेत, देशभक्त व जनवादी उम्मेदवारपिन्सं त्याकेत प्रगतिशील बुद्धिजीविपिंसं फयांफक्क कुतः यायेमाः, बुद्धिजीवीपिं तटस्थ च्वनेमखु धकाः धयादीगु खः ।

### एफएमय नेपालभाषा

ये/स्वनिगलय न्ह्यानाच्वंगु थीथी एफएम च्यानल मध्ये कान्तिपुर एफएम नं आः छवाःया निक्कः घोछि/घोछि नेपालभाषाया ज्याभवः बीगु जूगु दु । ध्वसिवे न्हयव हिटस, स्वनिगः, केएटिएच च्यानल नेवाः ज्याभव बियाच्वंगु दु ।

## भाइमारा सु ?

हेटौडा/हेनपा ९ वडा गैरा गां सिमेन्ट १ नं रोडे जूगु कोणसभाय मालेया उम्मेदवार हिरण्यलाल श्रेष्ठ कांग्रेस लिसे जानाः नेपाःमितयत माओवादीतय नामय स्यायेगु व दमन यायेगु निति स्वाहानी यायेत एमाले सत्ताय वंगु खः । उकिं कम्युनिष्ट दथुइ भाइमारा पार्टी एमाले हे खः धयादिल । वय्कल राष्ट्रियतायात कया व्यागलं च्वंगु पार्टी नेकपा माले कम्युनिष्टतयत स्यायेगु ज्या सरकार याःगुलिं सत्ता त्वता वंगु खः उके नेकपा माले गुगु नं हालतय भाइमारा मखु धकाः न्ववानादीगु खः । मालेयात भाइमारा पार्टी धकाः व्यापक प्रचार यायेगु यानाच्वंगु इलय जूगु थुगु सभाय जनता व्यापक रुपं उत्साही जुयाः ब्वति काःगु खः । ज्या-भवलय राष्ट्रिय जनवादी सांस्कृतिक संघपाखें थी थी सांस्कृतिक ज्याभवः नं न्हयव्वःगु खः ।

### थःहे म्हाययात बलात्कार

पूठानय च्वम्ह मटेलाय गात वंगु चैत्र ४ गते थः म्हाययात बलात्कार याःगु दपनय ज्वंगु दु । फिनिर्द दुम्ह म्हाययात चान्हय चिकुल धकाः नापं थ्यानाः प्यक्कः तक बलात्कार याःगु खः । थः म्हाययात हे म्हुत्पाः तिकाः बलात्कार याये धुकाः अःखवतं सुयातं धायेमते धकाः ख्याचः बियाजूगु खः । व सिवें न्हयव उम्ह अभियुक्त म्हाययात थनाः जा नये धुंकाःतिनि बलात्कार यायेत यौन अंगय भित्तेगु कुतः याःगु खः । म्हाययात हालेत स्वयं बलात्कार याःगु धाःगु दु ।

## क्षेत्रीय प्रहरी कार्यालय उलेज्या

हेटौडा/प्रहरी घेपिं देशया तिसा खः दक्क नागरिक तयगु शान्ति सुरक्षा यागु जिम्मा प्रहरी कया च्वंगु दु ।

ध्व खँ प्रहरी महानिरीक्षक अच्युतकृष्ण खरेलं क्षेत्रीय प्रहरी कार्यालय भवन उलेज्याया इलय धयादीगु खः । लिमैं वय्कलं देया दक्क नागरिकत वर्दी मपुनिपिं प्रहरी जूगुलिं प्रहरीया थें हे दे प्रति जिम्मेवारी नागरीकतयगु नं दु धयादिल । प्रहरी नायव महानिरीक्षक रुपाल शम्शेर जबरा सुभाय देखांना दीगु उगु ज्याभवलयय ज्याथःम्ह प्रहरी उपरीक्षक दीपक थाइदेन लमकुसं यादादीगु खः ।

उगु ज्याभवलय प्रहरी प्रधान कार्यालयया प्राविधिक निदेशक प्रहरी नायव निरीक्षक भरतराज शर्मा निर्माण प्रतिवेदन न्हयव्वयादीगु खः । उगु न्हगु छैं ६७ लाख मल्याक खर्च जुगु त्याःचाः नं न्हयव्वगु खः । उगु छैं ०५५ साल जेष्ठ ११ गते जगस्वने ज्या जूगु खः ।

## "ख्याल ख्यालैमा" क्यासेट पितव्वज्या

हेटौडा/थनया सिजन्स गुप या न्हापांगु म्येचाः 'ख्याल ख्यालैमा' मकवानपुर उद्योग वाणिज्य संघया नायः केशव श्रेष्ठ छगु ज्याभवः या दथुइ पितव्वज्या यानदिल सिजन्स गुपया उपेन्द्र श्रेष्ठ मुज्यानायः जुयादीगु उगु ज्याभवलय मकवानपुर उद्योग वाणिज्य संघया न्हापाम्ह न्वकू विजयकुमार बैद्य, महिला जेसिजया निरा गोर्खाली, प्रविन्द्र महर्जन वा रमेश बज्राचार्य नं न्ववानादीगु खः ।

न्हदँ २०५६ या

लसताय सकलसियां सुख, शान्तिया  
कामना यासैं दुनुगलनिसें

भिन्तुना

टीम कम्युनिकेशज नेटवर्क प्रा.लि.

मेनरोड, हेटौडा

न्हदँ २०५६ या

लसताय सकलसियां सुख, शान्तिया  
कामना यासैं दुनुगलनिसें

भिन्तुना

नेपाल वनरूपति ध्यू उद्योग लि.

हे.ओ.क्षेत्र, हेटौडा

लँ वहःया तिसा

दयेकेमाःसा

लुमंकादिसैं

बज्राचार्य एण्ड ब्रदर्स

हेटौडा

फोन नं. २०७२३, २१७२३

न्हदँ २०५६ या

लसताय सकलसियां सुख, शान्तिया  
कामना यासैं दुनुगलनिसें

भिन्तुना

डोरमणी पौडेल

मेयर

हरिवहादुर महत

उपमेयर

हेटौडा नगरपालिका कार्यालय, हेटौडा

दंगु भिंगु बल्लाःगु

सिमेन्ट ब्लक जिमिथाय दु

सिखु कंकिट ईण्डस्ट्रिज

हे.ओ.क्षेत्र, हेटौडा

न्हगु डिजाइन

थःत ल्वय्क

वसः सुइ

माःसा भासैं

न्यू स्टार्टल टेलर्स एण्ड

सि.एन. वलथ सेक्टर

हेटौडा

बाबांलाःगु,

भिङ्गु दंगु

बसजाः माःसा

भासैं

सुमंगल स्टोर

हेटौडा

न्हदँ २०५६ या

भिन्तुना

नारायणी यातायात व्यवसायी संघ

मुख्य कार्यालय, हेटौडा

आः जिपिं थःगु न्हगु छँय सरे जुइ धुन

न्हदँ २०५६ या

भिन्तुना

यती फाइनान्स कम्पनि लि., हेटौडा

फोन नं. २०८२२, २१८४२

न्हदँ २०५६ या

लसताय सकलसियां सुख, शान्तिया

कामना यासैं दुनुगलनिसें

भिन्तुना

ताक्यातापुर तहसीली तयाजारा

फोन नं. २०६१०